

鶴山先生大全文集

五

鶴山先生大全文集卷之十八

錫山安國重刊

奏議

應詔封事

今月十七日進奏院印書狀報到端平元年正月一日御筆節文內外大小之臣悉上封事凡朝政得失中外利病盡言無隱臣愚不佞自先帝龍飛策士誤叨親擢是恩首選由是被遇嘉泰開熙之間充員館學徒以愚不適時首沮開邊之議忤韓侂胄幾陷大戮賴先帝聖明尚今補外暨失軍亡將之後先帝亟思其言中道追召臣於江陵受命辭不敢前及侂胄既殛又拜

特招之命且至申詔趨行臣以養親固辭
改昇藩節九十有七年先帝終不能忘卽
元日大朝申加聘召浸階通顯獲事陛下
於謀廟之初臣於是時非不能緘默苟容
自同流俗徒見妖氛氣浸輝橫揜日月之
明亟起而排之自貽罪戾投之南安柄臣
初意將實臣必死之賴陛下保全改竄靖
州七年之間幸綴餘息以濡湛恩生還故
鄉實踰分表矧又以華職要藩拔之散地
辭不獲命感深涕零邇者伏覩陛下親攬
萬機大明黜陟將興士大夫更始如臣何
人亦被簡記進職錫帶示之褒末益懼無
以称塞臣嘗觀宣帝漢中興英主也地節

二年二月霍光死史於五月後遂書親政
聽事至於樞機周密品式備具讀史者莫
不服其威斷而臣嘗攷之則紀與表異辭
蓋光雖卒光之子若尚分據樞要韋賢
年八十一老病尸位固自若也迨明年正
月而後賢免至六月霍氏之謀敗而後魏
相當軸丙吉張安世諸賢進用然則雖以
宣帝之英明而更新庶政猶遲之以一年
有半今陛下不踰旬朔立致不平卓出漢
宣之右此上天悔禍以開中興之主也此
九廟神靈聳善扶誼禍盈推亡爲國家植
無彊之休也遠方班白之老奉戢貪御筆
聽改元詔書流涕太息曰不圖餘齒尚見

太平之有期也况如臣者猥被兩朝不凡之遇於此而猶不一言臣爲有負臣嘗讀書於二帝三王之制粗知顛末每謂始變於周末大壞於秦不能復於漢而再變於魏晉盡覆於五胡之亂此事既久今雖言之未易殫數而目前所甚急者先以祖宗舊典言之大抵始變於熙寧不盡復于元祐而大壞於崇觀以後收拾於炎興之初浸備於乾淳紹熙之間而又壞於慶元泰禧以後今陛下始親政事登籲衆俊弼輔丞疑之選言語侍從之臣下逮百司曠然丕變失此時而不復舊典則將日遠日忘孰爲可望之時乎臣試爲陛下以數十年

間身履曰擊之事一一省記條例如後

貼黃臣聞天子之位所以畀有德之人所能爲也堯親舉天下而授之舜誰不知之而孟子以爲天與之天子不能以天下與人也雖然孟子之說則有自來矣伊尹復太甲而告歸周公復成王而致政凡以爲天下之生命非人臣之功至介之推辭祿又謂天未絕晉必將有主天實置之而二三子以爲已力下義其罪上賞其姦其詞尤爲明著是故晉悼公之討諸大夫叔孫昭子之殺孺牛宋文帝之討徐傳先儒是之周平王戊申以取

揚水之刺漢文帝驕周勃以啓袁盎之諫漢宣帝畏霍光以貽嚴延年之劾先儒非之蓋人臣置君以徼利非國之福亦非家之福也是以人君之知天命之在我者惟義是制不以報私恩蓋防微杜漸之意寓焉陛下今日之盛舉既能以公滅私尚慮姑息之浮言或得以私害公敢昧死縷縷言之

一日復三省舊典以重六卿國朝沿唐舊制分置三省中書取旨門下審覆尚書施行凡內降文書及四方章奏至門下中書省者率送尚書省尚書下六

曹六曹什諸案關會節目既備則以
上尚書省送中書取旨既得旨又以
送門下省審覆迨其畫可然後翻錄
下尚書省尚書復下六曹施行三省
舛統大抵若此若謂其迂回則如元
祐以後併中書門下自爲一可也而
熙寧宰相王安石乃特置中書檢正
以分三省官屬屬之權至元豐又以
左右司弋之是端一開凡權在大
臣則宰掾遂爲竊弄威柄之地不
知熙豐以前未始有是蓋中書之屬
曰舍人門下之屬曰給事中尚書之
屬曰尚書侍郎二十四司三省皆有

屬也而所謂勘當指定乃六卿職分
豈必盡述熙豐大臣之意皆付宰掾
以專其事爲宰相竊權固位計也韓
侂冑盜權之始猶分其責於宰丞侂
冑不過於中以宣押入內密贊萬
幾三省六曹之統賅未盡廢也自侂
冑平章軍國然後二府屬官益重而
六曹長貳益輕然是時方謀關邊事
有期程侂冑以厭之則令六曹凡
遇勘當卽據事指定不得輒稱取聽
朝廷指揮中書之務由是稍清至嘉
定以來慮其權之分於六曹也每事
必付檢正都司而宰掾之權又重凡

文書至省必分入檢正都司擬一呈
字宰相命之擬則檢正都司猶云合
與不合送部勘當或且候若合字得
筆然後別擬送部部中據事勘當上
省則檢正都司之擬如前而易勘當
曰指定部中據例指定則檢正都司
又云再送部有無似此的然例而雖
令指定不敢明白蓋開兩端以聽所
擇則事或可行訂一說以必其從則
反以壞事是以近者累月遠者一二
年大抵多爲迂回故作沮難實以爲
上下市恩官吏受賄之地而况檢正
乃中書門下省之屬都司則尚書省

之屬而今混為一區寧復有可否者乎其有事關機速則上不伺奏稟下不俟勘當而有云尚先行者矣凡所謂奉聖旨依奉聖旨不允有未嘗將上先出省劄者矣有豫取空頭省劄執政皆先僉押納之相府而臨期書填者矣有疾病所撓書押之真偽不可得而必者矣嗚呼宇宙大物也非一人所能控搏雖堯舜猶舍也以從衆雖旱魃稷契猶舉賢而遜能而後世庸貪之相何等才分乃欲深居獨運以機務之夥而付之三三阿諛順指之人自王安石倡之章惇蔡京

秦檜韓侂冑倣之至近世而益甚今天啓否平之運此弊首當更張臣在遠外不及盡知惟慮檢正都司之筆迂回繆繞之弊相承已久目前若未甚害不知都司重而六曹輕乃歷朝權臣竊柄之大端願陛下明辨而速正之

貼黃宰旅宰士之名其來雖久而職任甚輕迨熙豐以後檢正分察諸房都司分治六官而事權始尊至於近世都司逢迎宰相與聞機事而外與制總諸司公邊將帥相賂以利其權任反出執政臺諫上

先是仇胃時兩省之屬猶有所不敢爲今乃於執政從官之中突出此項以小臣而與大政事昧不順其事始於熙豐之誤而人不察伏乞睿照

二曰復二府舊典以集衆思國朝倣唐舊制三省密院分職授任各班奏事事有大者始得同進故有中書進擬有密院進擬有三省進擬三省密院同進擬爲目若繁爲慮實遠將使權一而任專各得以自靖自獻也下寧惟是二府奏事之後或別奏他事或時有留對則又聽非時扣閣

或御資正殿或御迎陽門或開天章閣
皆出於進擬奏陳之外大抵二省不嫌
於異論二府不嫌於獨對故有同視一
事而東西府各為一說者載在史冊不
可勝數蓋以大臣之位非它比也天
子所與共天位治天職而臯夔稷契
伊傅同召之臣贊襄帝王以繼天立
極即是位也今乃好臣所教苟用可
制使之羣趨旅進死舌同聲渥昇之
形包否之羞以覲顏於衆庶之右爲
人主亦安用若入哉彼柄國者之說
不過曰分班奏事或得以陰售其私
如韓縝嘗以中書獨進擬而私姻戚曾

布嘗以宥府獨奏事而擠宰臣使其
同進必無異論是說也因柄臣之所
便然惟當擇君子而信任不當用小
人而猜防防蓋和同比周正君子小
人之辨若皆君子雖異論而同心若
皆小人雖同詞而異意是以祖宗盛
時宰執多至八九人少亦不下六七
更相可否不爲苟同中興省官猶至
五六秦檜專國則兩府之二各一慶
元初侂冑嘗欲自爲樞衣或告以事
權不專反不若辭名居實則無不統
久之監惠民藥局夏允中迎合風指
引王旦呂夷簡又彥博故事建平章

軍國事之策執政譁然不平此議
中輟後數年卒行之然是時二府
有宰相有執政官也迨嘉定而後
以相兼樞又合而爲一去以相無
樞蓋富弼所謂邊事係國安危不
當專委樞密此猶有說而執政若
昔兼佐二府則更無分班者矣何
以參稽衆論各效已見乎更惟陛
下衆建而審圖之

三曰復都堂舊典以重省府國朝盛時
以尚書爲外省受四方訟牒置政事
堂於禁中爲宰執聚會之地凡有司
之公見府史之呈書率合堂同席僉

議衆決日下畫數刻鳴鐘會食排馬
歸第然百年之間未建私第猶僦民
居往往距城回遠則出省之後吏持
文書走諸第率多稽遲或至漏泄神
宗皇帝病其若此度地于闕之西南
爲東西而二府各四位將以嚴謹事
機也然而連牆接畛聲咳相聞則怙
權營私之相多謂不便是以偃然私
第不恤同列蔡京以來相承皆尔南
渡草創三省密院合爲一所宰執會
議日至三四呂頤浩居私閣治事
人已議之其後雖建諸府而秦檜自
居望仙橋私第至韓侂冑以萬壽觀